

آبونه شرائطی : هریر ایچون
سنه لکی (۲۷۵) آلتی آیلغی
(۱۵۰) خارج ایچون سنه لکی
۳۲۵ غروشددر .

نسخه سی ۵ غروشددر .
ایکی نسخه برآراده
(۱۰) غروشددر
سنه لکی ۵۲ نسخه در .

اداره خانه : باب عالی جاده سنده
رشید افندی خائنده

اخطارات
آبونه بدلی پشیندر .

مسلكه موافق آثار مع الممنونیه
قبول اولنور . درج ایدله یین
یازیلر اعاده اولنماز .

الکتابخانه

ادرس تبدیلنه آریجه
۵ غروش کوندرملیدر .

مکتوبلرک امضاری واضح
واوقوناقلی اولسی و آبونه
صره نومروسی محتوی
بولونغسی لازمدر

ممالک اجنبیه ایچون آبونه
اولانلرک آدرس لرینگ
فرانسجه یازلسی رجا اولنور .

پاره کوندردلیکی زمان نهیه
دائر اولدیفی بیلدیرلسی
رجا اولنور

اتبعون اهدکم سیل الارشاد

صاحب و مدیر
اشرف ادیب

باش محرر
محمد عاکف

والله یهدی من یشاء الی صراط مستقیم

- ۲ — میلیونر جہ اہل اسلامی تمثیل ایجنسی و حرمین شریفین اوزرندہ بوتون مسلمانلرک مشترک حقوق اولدینی ایچون کندیسسنگده آنجی اولر قادار حق اولان ملک حسینک بوحرکتی پروتستو ومسئولیتک اوزرینه تحمیل
- ۳ — قبلہ اسلام اوزرندہ اوینامق ایستہن اوینلرک واحتراساتک توقی ایچون عالم اسلامدن استمداد ایدیلہسی .
- ۴ — انکیز سیاسیلرینک نظر دقتلرینک ایشلہیلن خطای سیاسی جلی وارکان دیندن بریستہ بوصورتله تجاوز ایتہنک حکمتدن عاری بر ایش اولوب عالم اسلامده فنا تاثیرلر اجرا ایدہجکک کندیلرینہ تفہمی .
- ۵ — ملک حسینک ایشلہدیکی جہلہ قارشی یاییلمسی لازم کان وظیفہیہ علمای دینک نظرلرینک جلی .
- ۶ — بو بیاناتک مصر وانکیز غزته رندہ نثری وبرر صورتک آوروپا خارجہ نظارتلرینہ ارسالی .

شیعی مسلمانلر وانکیزلر

اکابر مجتہدین شیعہدن (شیخ مہدی الخالصی) حضرتلرلہ اوغوللرینک عراقدن تبعید اولونمسی شیعہلک عالمده عظیم تاثیرات حصولہ کتیرمشد . مومی الہیک عراقدن سبب اخراجی فیصل حکومتی وحامیلرینی فلجہ اوغراتہجی تشبثات وطنپوراندہ بولونماسی ، عراقک استقلالہ بلاقید وشرط طرفدار اولماسی وافکار عمومہی بووادیدہ تحریک ایتہسیدر . صوک پوستہ ایلہ کان (موزینغ پوست) غزتهسی (ایران) غزتهلرینک (شیخ مہدی الخالصی) نک عراقدن اخراجی طولایسیلہ انکاترہ حکومتہ قارشی پک شدید هجوملرہ بولوندیغی (شیخ مہدی) نک تہجیروتبعیدندن متأثر اولارق عراق ترک ایدن شیمی علمانک (کرمانشاه) موصلت ایدہرک جاملرہ طولایانوب پروتستولرہ بولوندلرینی وانکاترہ علیہندہ نظرلر ایراد ایتدکلرینی ، شیمی علمانک ایراندہ فوق العادہ حق قبول کوردکلرینی ، انکیز طیارملری طرفدن عراقدن ایرانہ وقوع بولاجی دوستانہ برزیارتک ایران حکومتک طلبی اوزرینہ تأخیر اولوندیغی بیان ایتکدہدر . اگر شیخ مہدینک عودتنہ مساعدہ ایدیلزہ انکیز امتہسنہ وتجارتنہ قارشی بویقوت یاییلہجمنیہ مقام تہدیدہ سویلہنیور .

(دہلی تلغراف) غزتهسی بو حادثہ حقندہ بغداددن آئیدہکی معلوماتی آلمشدر : ۱۹۲۲ سنہسی ختاملرندہ عراق حکومتی وضعیتی تنظیم ویردہ دہموقرات حکومت تشکیلی ایچون انتخابات عمومہی اجراسنہ قرار ویردیکی زماندن اعتباراً ایران علماسی انتخاباتہ مخالفته چالیشمشلردر . ظن اولوندیغہ کورہ حقیق مقصدلری عرب حکومتی عرب قومنک رأی وارادتیلہ حرکت ایتکدن منع وبوملکتندہ ایران نقوذینی ادامہ ایچون آنارشی وتذبذب واسطہسیلہ بول احضار ایتکدن عبارتدر . اخیراً علمادها زیادہ طاشقینلک کوسترمشلر واتخاباتدہ رأی ویرمک اولانلری تلہین ایتک اوزرہ بیاننامہ لر نثر و دیوارلرہ الصاق ایدہرک حکومتک سیاست مشروطہسی علیہندہ فرات عشیرتلرینی قیامہ کثیرمک صرف مساعی ایلہ مشلردر . کاظمیہ جاملرندن برینک قہوسندہ ایران علماسندن شیخ مہدی الخالصی نک برمثلی طرفندن بوکی بیاننامہلر یاییشدریلہسیلہ بر اغتشاش باشلامشدر . مأمورین ضابطہ بیاننامہی بیرتمشلر ، صوکرم مہدی الخالصی طرفدارلری طرفندن دوچار تعرض اولارق خلکک آئندن کوچ حال ایلہ قورتارلمشلردر . بونک اوزرینہ عراق حکومتی مہدی الخالصی نک مخدوملرینک مہاجرت قانونی موجبنجہ مملکتدن چیقہلرینہ قرار ویرمشد . ایران حکومتک عزت نفسی قیرماقی اوزرہ الخالصی نک شو موسم حجدہ عزیمتہ مساعدہ ایدلشدر . دیگر علمادہ عراق حکومتہ قارری بر نمایش اولہرق مملکتی ترک ایتک نیتندہ اولدقلرینی سویلہ مشلردر . بونلرہ بوبابدہ پک زیادہ سہولت کوستریلش ، حدودہ قدر رکولرینہ برترن مخصوص تخصیص ایدیلشدر .

۲۱ جی ہلرک صرکی

(مکہ مکرمہ) یہ کیدن بر ہیئت اراضی مقدسہیہ کیرمکدن منع ایتک ہیچ بر وجہلہ قابل تجویز اولمادینی آشکاردر . معافیہ شریف حسین بونکلدہ اکتفا ایتہرک صوک خبرلرندن آکلاشیلدینی وجہلہ مصر صرہ الایہ رفاقت ایدن قطعہ عسکریہ نکدہ حجازہ کیرماسنہ ممانعت ایتشدر . شریف حسینک خیانت وعصیانلہ حجازک دولتزدن آیریلہسندن مقدم ، بکن سنہلرہدہ دائما صرہ آلایلہ برابر مصردن بر قطعہ عسکریہ کوندرلکدہ ایدی . بو قطعہ عسکریہ نک ہدف مصردن کوندریلن امانتلری محافظہ ، حسن صورتلہ تسلیم ولدی لایجاب حجاج مسلمینی قبائل بدویہ نک تعرضلرندن وقایہدر . بوندن باشقہ ہر سنہ مصر اردوسندن بر قطعہ عسکریہ نک فریضہ حجی ایفا ایتہسنہ انکان حاصل اولقمشدہدر . شریف حسینک اعلان استقلال ایتہسنی متعاقب بو قطعہ عسکریہی قبول ایتہسنہ رغماً بو سنہ قبول ایتہنک منافی استقلال اولدیغہ عقل ایردیرمہسی شایان حریتدر .

شریف حسینک بوکی حرکاتی نہایت مصر حکومتی صرہ آلاینی کری چاغیرمقی قرارلاشدیرماسنہ سببت ویریش وازانسلرک ویردیکی معلوماتہ کورہ مصر حکومتک بو قرارینی علمای اسلامده تصویب ایتشدر . صرہ آلایلہ برابر مصرلرک اکثریتسیدہ عودت ایدہجکی شبہہ سزدہر . اساساً بو سنہ حجازہ کیدن (۱۰,۰۰۰) حاجینک یاریسندن زیادہسی مصرلیدر . دیکک کہ شریف حسین بوسفر یالککن مصر مسلمانلرینی اغصاب ایتککلہ قالاہرق تبعہسنگ منافعنی دہ اخلاص ایتش بولونیور . چونکہ مکہ ومدینہ اہالیسنگ قسم اعظمی موسم حجی بکار وبوموسمدہ منافع عظیمہ تأمین ایدر . شریف حسین شاشقینجہ بر حرکتلہ تبعہسنگ استفادہسنہ مانع اولشدر .

عجبا شریف حسین بو درجہ احمقجہ حرکتہ سوق ایدن نہدر ؟ بزم قالیرسہ بر زماندن بری مصر مطبوعاتنک (انکاترہ - حجاز) معاہدہسی طولایسیلہ شریف (حسین) قارشی شدید هجوملرہ بولونماسی ومومی الہیک اراضی مقدسہ اسلامہیہی انکیز حمایتہسنہ تودیع کی بر جرمی ارتکاب ایتک اوزرہ بولونماسی تشہیر ایتہسی ، بونک اوزرینہ مصردن پروتستو تلغرافلرینک یاغماسی وبوتون اسلام عالمک حقیقت حالدن خبردار اولماسی شریف حسینک عقلی بوزمشدہر . او درجہ کہ منفعت پرستشکاری اولان شریف حسین بو بوزغوناقی ایچندہ منفعتنی دہ اونوتمشدر . معافیہ اصل شایان دقت بولان جہت شریف حسینک بو طرز حرکت ایلہ ادارہسینی افلاس ایتدیرماسیدر . حجازدن مقصد فریضہ حجی ایفا ایتک اولدیغندن شریف حسینک بونی دخی باشارہمیہرق مسلمانلری ارض حجازدن کری دوندورمسی ، اہل حجازی دہ بکلدکلری منافندن دور بیرلقاسی ہرحالہ اونک غایہلرینہ قطنی برضربہ ایندیرمشدہر . بونک تاثیرینی پک یاقیندہ کورہجکیز . شریف حسین کندینی وادارہسینی محکوم اندراس ایتشدر .

حجاز حمایتہسی

انکیز — حجاز اتفاقی شرتہ پروتستو ایرنہ بر ہیئت اسلامہ

صوک پوستہ ایلہ کان مصر غزتهلرندہ او قوندیغہ کورہ حجاج بیت اللہدن وحجاج ایلہ علاقہدار مسلمانلردن مرکب بر ہیئت ، قاہرہدہ عباسیہدہ (سید سعید الشماخی العامری) نک اقامتکاہندہ عقد اجتماع وبو اجتماعہ حرمین شریفینک وضعیتی ایلہ شریف حسینک سوء احوالی موضوع بحث ایتشلردر . نتیجہدہ بو مسالہ ایلہ اوغراشقی اوزرہ بر ہیئت تشکیلی قرارکیر اولشدر . بو اجتماعدہ قونوشولان موادک اک قوتلیسی کلام الہی ایلہ بوتون اہل توحیدہ قبلہ کام اولان بر مقام مقدسک ہر درلو شخصی و سیاسی انتریقلرک ، نفوذندن آزادہ بولوندورلماسی قونوشولشدر . مذاکرات نتیجہسندہ شو اساسلر قرارکیر اولشدر :

۱ — مسلمانلر جہ انکیز حسین اتفاقک دینی و سیاسی اسباب ایلہ عقیدہ اسلامہیہ مخالف اولدینی جہتلہ پروتستوسی .